



OBRADOIROS TRANSDISCIPLINARES PARA EDUCACIÓN INFANTIL, PRIMARIA E SECUNDARIA 2022 • CHAMADA A AXENTES

Como resultado da renovación do convenio de colaboración entre o Colexio Oficial de Arquitectos de Galicia e a Consellería de Medio Ambiente, Territorio e Vivenda, coa incorporación da Axencia de Protección da Legalidade Urbanística como entidade cofinanciadora do ProxectoTERRA queremos facervos chegar a convocatoria de Obradoiros transdisciplinares 2022 para Educación Infantil e Primaria e Secundaria, **a desenvolver nos meses de outubro e novembro de 2022**, co obxectivo de que se poidan incorporar nas programacións dos centros educativos.

A presente convocatoria enmárcase dentro do **programa 18. ProxectoTERRA do Plan Proxecta+ 2022/2023**, unha iniciativa da Consellería de Cultura, Educación e Universidade en colaboración con diferentes organismos, dirixida a fomentar a innovación educativa nos centros a través de programas educativos que fomenten o traballo cooperativo, interdisciplinar e competencial. Un dos principais obxectivos deste plan é promover a realización de proxectos interdisciplinares que fomenten o **papel activo do alumnado ante os desafíos sociais, económicos e medioambientais da sociedade actual** e do futuro e poidan servir de modelo de traballo ou de boa práctica, tanto para o propio centro en que se orixinan como para o resto da comunidade educativa galega.

O ProxectoTERRA é un proxecto do Colexio de Arquitectos de Galicia dirixido ás distintas etapas educativas co fin de contribuír a mellorar a formación que a poboación escolar galega debe ter sobre as xentes, os espazos e os lugares que habitamos. Trata de **crear poboación crítica e propositiva sobre o noso medio construído para acadar unhas mellores condicións de vida** para todas as persoas, atendendo á premisa do **Dereito ao Hábitat**.



O obxectivo do programa é que o alumnado perciba o hábitat humano desde as diferentes perspectivas que abordan os materiais elaborados e postos á disposición da comunidade educativa desde o ProxectoTERRA. O hábitat estúdase aprofundando en diferentes aspectos, como son a paisaxe, o territorio, o urbanismo, a arquitectura ou o medio ambiente, dependendo do enfoque escollido en cada proxecto desenvolvido nos centros, aínda que sempre é ben considerado que se aborde un proxecto desde diversas perspectivas e se chegue a formular e desenvolver un proxecto interdisciplinar.

OBXECTIVO DA CONVOCATORIA

Mediante a presente convocatoria, desde o ProxectoTERRA queremos achegar a aqueles centros educativos inscritos no Plan Proxecta+ 2022/2023 e a outros centros interesados, unha serie de obradoiros prácticos dirixidos a alumnado de Educación Infantil, Primaria e Secundaria. A través destes obradoiros poderanse desenvolver os contidos expostos nos proxectos que cada centro presentou á convocatoria do Plan Proxecta+ 2022/2023, no [programa 18. ProxectoTERRA](#). Ofreceranse, sen custo adicional para os centros educativos, unha serie de obradoiros desenvolvidos por entidades externas ao proxectoTERRA. Nestes obradoiros abordaranse os contidos do programa adecuándoos ás características e idade do alumnado aos que irán dirixidos.

As **liñas de traballo** que poderán abordar os obradoiros serán as seguintes:

- Intervencións no espazo educativo
- Educación en arquitectura e urbanismo
- Patrimonio
- Identidade territorial e paisaxe
- Dereito ao hábitat
- Desenvolvemento sustentable e enfoque ecosocial
- Educación en artes

Por medio destes obradoiros trataranse de desenvolver as seguintes **competencias clave**:

- Competencia en comunicación lingüística
- Competencia en aprender a aprender
- Competencias sociais e cívicas
- Competencia en sentido de iniciativa e espírito emprendedor
- Competencia en conciencia e expresións culturais

COMO PARTICIPAR

Se formas parte dunha entidade ou tes un obradoiro que ofrecer dentro das condicións arriba descritas, podes presentar a túa proposta a través deste [formulario](#). A recepción das propostas estará **aberta até o día 4 de setembro de 2022**.



Requisitos para aquelas persoas ou entidades interesadas en impartir un obradoiro:

- Cubrir o formulario de inscrición da presente convocatoria entre o 5 de agosto e o 4 de setembro de 2022, ambos incluídos.
- Propoñer un obradoiro para desenvolver nun centro escolar entre outubro e novembro de 2022. Este obradoiro poderase desenvolver máis dunha vez en varios centros, se hai demanda e dispoñibilidade.
- Axustarse ás liñas de traballo e temáticas propostas na presente convocatoria.
- Axustarse ao orzamento de 300 € + custo de desprazamento + custo do material, por obradoiro de 2 horas ou sesións e marcar este compromiso no formulario de inscrición.
- Presentar a factura pola realización do(s) obradoiro(s) antes do 5 de decembro de 2022.

Medios de contacto para calquera dúbida relacionada coa convocatoria:

- Escribindo a proxectoterra.actividades@coag.es
- Chamando ao 676 033 121